

封邱縣志

王廣慶題



地 150.119
32.2
新二

封邱縣續志序

邑之有志也猶國之有史也顧史則美惡並載爲來茲垂法戒志則表揚善類自非奇節卓行確然可據者雖強有力不得而闡入焉凡以傳其信不傳其疑俾後人有所折衷云爾余不敏承乏封邱受事之後卽取其志而讀之上自夏后氏之世迄我

世祖章皇帝己亥以前境內之山川土田人物風俗可按籍而知也但自前令余侍御纂輯以來今又二十餘年矣其間之循良著績者若而人師表羣倫者若而人德行者碩孝友貞烈者若而人他或昔廢而今舉舊毀而新造者五指不可勝屈也且河水衝決後城郭之未完人民之貧苦飛沙轆轤之地萬難以復舊額皆前志所不及載者倘及今而不爲敘述後之君子歷時久

封邱縣志序

開封新豫印刷所承印

遠何由考核而知其詳乎余每念及此未嘗不以封志之續爲不可緩也及闔邑紳士咸以續志爲請余竊喜其適獲我心矣然猶不敢自擅白其事于郡守蔡公旣得請乃集衆而議于校凡筆札之資梨棗之費余自設法辦給之若節孝賢良有關風教者采諸輿論詢諸士夫學博兩先生主之若黌宮廟祠諸建置及從來之蒞茲土者邑紳士主之是書也一人之事一字之間無敢阿也無敢徇也凡以傳其信不傳其疑俾後人有所折衷余樂與諸君子觀厥成也是爲敘

康熙十九年歲次庚申九月吉旦

承德郎知封邱縣事仍帶加一級三韓王賜魁謹述

封邱續志序

嘗攷范蔚宗作後漢書續孟堅前志迄今千有餘年膾炙人口正以莫爲之後雖盛而弗傳則後之有裨於前也大矣封志自明季兵燹後典冊淪亡老成凋謝四十餘年已事幾於泯沒而無由究問順治丁酉歲邑侯余公恐世遠人湮文獻失徵蒐羅舊章諮訪輿論而訂正之越己亥書成歷今又二十餘年矣其間人物事跡不少概見無爲記載後之覽者何從考核而知其詳也庚申秋邑侯王公政務之暇披閱邑乘欲更輯近編以續前志甚盛典也竊念王公三韓巨族以名世長材分符封邱值遺黎殘喘毅然以起衰救敝爲己任五六年間政通人和真不愧古循良云其釐剔經營有益政治民生者未易更僕數如修建黌宮蒞泮水而樸棧蒸蒸也整乂荒城登舊壘

封邱縣志

彭序

開封新豫印刷所承印

而墉堞言言也封父亭之煥新則遊覽臺榭而思夏侯之功德赫赫如昨也青陵臺之崇祀則瞻連理枝思張羅什而節烈之貞魂義魄猶凜凜動人心也更裁爲記文悉書諸豐碑以垂不朽凡此皆可纂也皆可志也且舉夫封域學校人物藝文之類有因之而不容增者仍依前志焉有日異而月不同年久而事或變者可以資政治裨風教不遺纖悉成爲錄梓綜核潤色有光盛典洵爲一邑信史矣茲志也不惟可以續前乘之薪傳卽後之纂修者可借是以爲採覽云爾

康熙十九年庚申閏八月吉日

邑人彭昌齡撰

纂輯

承德郎知封邱縣事仍帶加一級三韓王賜魁

分纂

儒學教諭 李會生

儒學訓導 古 息 宋作賓

校閱

翰林院 孔 目李承統

吏部 進 士李承紱

吏部 候選知縣 舉 人彭昌齡

增 監常 拆

封邱縣志 姓氏

一

開封新豫印刷所承印

吏部 候選縣丞 李湛

訂正

歲 貢李大任

廩 監李承綸

增 監萬吉

附 監賈健

歲 貢石如璧

廩 生李浹

生 員劉起沛

凡例

一星野疆域山川形勢並風俗沿革詳見前志不復贅

一職官除前志詳載外自順治十五年以後凡有聲名者俱爲臚列

一建置自黃河衝沒后各有修舉詳見前志今止照順治十五年以後凡重建重修一一備載

一民土田賦載在前志甚爲詳悉今止將清分里甲不毛沙河略爲述之

一人物係一邑品望科貢節義前志外略述梗概以備一班

一藝文凡有關於本邑自應詳記以備覽誦

封邱縣續志目錄

建置

學宮

官署

廟祠

塚墓

民土

上田

里甲

災祥

職官

縣令

僚屬

師儒

人物

賢哲

科貢

封贈

援例

胥掾

武弁

孝行

德行

貞烈

封邱縣志

目錄

三

開封新豫印刷所承印

藝文

王言

碑記

傳記

詩歌

封邱縣志

建置

學宮

大成殿

五楹 知縣王賜魁 余緒重建 東廡 知縣王賜魁 重建 西廡 知縣王賜魁 重建 戟門 知縣王賜魁 重建

星樓

知縣屠粹 啟聖祠 知縣王賜魁 重建 名宦祠 知縣屠粹 重建 鄉賢祠 知縣屠粹 重建 文昌閣 知縣屠粹 重建 奎

子路祠

在縣東 城 明倫堂 知縣王賜魁 重建 訓導宅 訓導王璵 重建 訓導宋作賓 重建

官署

衙門堂舍

詳見前志 東西書吏房各七楹 知縣王賜魁 修

廟祠

封邱縣志

城隍廟

見前志 拜殿三楹 知縣王賜魁 修 土地祠 一間 福神祠 三楹 儀門外 關帝

廟大殿三楹

知縣屠粹 樂樓三楹 邑紳李承綸 重建 大門三楹 邑紳萬化 重建 大門東地

基一間

邑紳李承綸 火神廟 大東三楹 西廊各三楹 二郎廟 三楹 普照寺大

殿三楹

伽藍殿 三楹 邑紳萬化 重建 白衣堂 三楹 內北向南門內迤東 北向南門內迤西 東門

封父祠

三楹 知縣屠粹 重建 封父亭 知縣王賜魁 重建 大王廟 三楹 內附總河朱公諱

元帝廟

在北關大 太山廟 在北關大門各三楹 翟母祠 王賜魁 重建 春秋知縣

祭邑紳李

魯般廟 前帝廟 玉皇廟 三楹 西向 東岳廟 在東關大 殿各三楹 東向西

廊各

土地廟 向東 觀音堂 在南關大 殿各三楹 北向 三官廟 在西關大 殿各三楹 東向 準提

閣

三楹 東西禪房各三間 知縣屠粹 高公祠 諱適海侯知縣屠粹 岳峯秀 官節度使

岳公生祠

大有村 一在高公祠後 一在劉光一在黃陵 一在安上 百里公祠 在縣東五里



開封新豫印刷所承印

極大門一間知縣王賜魁重建

貞烈祠

知縣王賜魁二十五里青堆祀息氏也

塚墓

百里嵩塚

在縣東五里廟岡知縣王賜魁重封四圍護以牆垣

息氏塚

在縣東二十五里青堆知縣王賜魁重封

按古樂苑古詩歸九域志一統志焦氏類林古今事文類聚諸書所載青陵臺故事韓憑妻皆云何氏獨封志作息氏不知其何所據也且所載烏鵲歌烏鵲爲烏宋譌爲康至答夫歌其雨淫淫河大水深日出當心一章竟遺不載其爲失攷舛誤無疑特爲置辨博古君子自能詳之

新置義塚有四

知縣王賜魁重封二皆立石表界

民土


封邱縣志

一一

開封新豫印刷所承印

土田

封邱丁地行糧則例詳見前志其中大爲民累者莫過河患按自順治七年河決滄至十四年始塞地變沙河并坍塌堤壓掘壞者十去其三由大工龍門口北至長垣交界衝成大沙河長有九十里寬二里餘飛沙不毛永不堪種壞地約有兩千餘頃往來上臺經過大工登龍門向北望未有不念河勢壞田之多而軫恤封民之苦者也又自于家店東西數十里黃河北侵坍塌并堤壓掘壞等地又有千餘頃此皆封邱原額之地畝也前令若余若屠若岳無不軫念災苦加意招撫魁受事以後目擊封邱地瘠民貧錢糧難辦詳申薄地下情蒙允驗土定色俱照順治七年舊例分爲上中下三則載在冊籍今荒地盡墾而額數不足者正以沙河坍塌堤壓掘壞等地在其中所



櫟大門一間知縣王賜魁重建 貞烈祠縣東二十五里青堆祀息氏也

塚墓

百里嵩塚

在縣東五里廟岡知縣王賜魁重封四圍護以牆垣

息氏塚

在縣東二十五里青堆知縣王賜魁重封

按古樂苑古詩歸九域志一統志焦氏類林古今事文類聚諸書所載青陵臺故事韓憑妻皆云何氏獨封志作息氏不知其何所據也且所載烏鵲歌烏鵲爲烏宋譌爲康至答夫歌其兩淫淫河大水深日出當心一章竟遺不載其爲失攷舛誤無疑特爲置辨博古君子自能詳之

新置義塚有四

知縣岳峯秀置二皆立石表界

民土

封邱縣志

二

開封新豫印刷所承印

土田

封邱丁地行糧則例詳見前志其中大爲民累者莫過河患按自順治七年河決滄至十四年始塞地變沙河并坍塌堤壓掘壞者十去其三由大工龍門口北至長垣交界衝成大沙河長有九十里寬二里餘飛沙不毛永不堪種壞地約有兩千餘頃往來 上臺經過大工登龍門向北望未有不念河勢壞田之多而軫恤封民之苦者也又自于家店東西數十里黃河北侵坍塌并堤壓掘壞等地又有千餘頃此皆封邱原額之地畝也前令若余若屠若岳無不軫念災苦加意招撫魁受事以後目擊封邱地瘠民貧錢糧難辦詳申薄地下情蒙允驗土定色俱照順治七年舊例分爲上中下三則載在冊籍今荒地盡墾而額數不足者正以沙河坍塌堤壓掘壞等地在其中所

以封邱地畝萬難足額者此也後之令茲土者覩不毛之地軫念民艱當有同心矣

里甲

黃陵等二十六社輪流當差已非一日但久則弊生未免有不均之累知縣王賜魁照依祥符縣則例將紳衿地畝分編宦戶儒戶各自急公不相爲累既無包攬之弊亦無偏累之苦里甲稱便誠百世不易之良法也

災祥

順治十六年夏月淫雨麥被潦爛

順治十七年春旱風霾

康熙十五年五月大雨雹自縣西北至東南一路長六十里寬二十里大者

封邱縣志

三

開封新豫印刷所承印

如拳小者如鷄卵一時平地深二尺許田禾一空樹皮盡脫

康熙十七年五月雨雹自縣北瓦窰東至劉光集長四十里寬五十里壞田禾十之六

康熙十九年五月雨雹自縣東野場東南一路壞麥禾十之三

康熙十七年冬無雪至十八年六月二十五日始雨麥止收三分秋禾止收一分人民飢餓奉

旨蠲免本年錢糧十分之三

康熙七年七月十七日地震

康熙十八年七月二十八日地震

康熙六年六月暴風拔木壞百里公祠

康熙十八年自八月十三日霖雨四十餘日始止民間廬舍傾圮秋稼渰爛大半

康熙十三年秋白晝遍野作鳴鳴聲跡之不見形影夜並作擊柝聲如敲竹筩處處皆然究不解何祥

職官

縣令

余縉浙江諸暨人進士順治十一年任時河水衝沒之後環封鞠爲茂草村居數椽僅蔽風雨自奉淡泊不異儒素至利害關民務力爲陳白所欲興革必如其議而後止卽驛站一事抗申不啻再四後竟得請至今封民無驛站之累者皆公之力也公清正廉直爲諸上臺所敬重有所陳請每

封邱縣志

四

開封新豫印刷所承印

優容從之當河工浩繁之時潛移默轉封人受無限裨幪而不知誰爲之者逮河口甫塞卽加意招徠勸民復業披荆棘葺草萊設法重建學宮城隍諸廟并縣署樓堂門廡卑身七載未嘗自逸暇卽講學課藝多士蒙其德造真爲國爲民之良臣古之所稱爲賢牧者不是過也秩滿

特擢御史去後民咸思之

常 拆撰

張炅山東沂水縣人拔貢順治十六年任時城邑未復仍寄治於縣西之于家店布衣帛冠自奉泊如早夜間每以被水之民流離四方爲憂多方招徠令其歸耕廬舍漸興茅葦漸墾而公以內艱去矣公寬厚有威明察能斷待人皆得大體而吏無敢爲民蠹者臨事剖決若神凡案間鮮留牒焉民方依之復業賴以生遂惜在官一年卽去未展所長至今人猶思之如

康熙十八年自八月十三日霖雨四十餘日始止民間廬舍傾圮秋稼渰爛大半

康熙十三年秋白晝遍野作鳴鳴聲跡之不見形影夜並作擊柝聲如敲竹筩處處皆然究不解何祥

職官

縣令

余縉浙江諸暨人進士順治十一年任時河水衝沒之後環封鞠爲茂草村居數椽僅蔽風雨自奉淡泊不異儒素至利害關民務力爲陳白所欲興革必如其議而後止卽驛站一事抗申不啻再四後竟得請至今封民無驛站之累者皆公之力也公清正廉直爲 諸上臺所敬重有所陳請每

封邱縣志

四

開封新豫印刷所承印

優容從之當河工浩繁之時潛移默轉封人受無限裨幪而不知誰爲之者逮河口甫塞卽加意招徠勸民復業披荆棘葺草萊設法重建學宮城隍諸廟并縣署樓堂門廡卑身七載未嘗自逸暇卽講學課藝多士蒙其德造真爲國爲民之良臣古之所稱爲賢牧者不是過也秩滿

特擢御史去後民咸思之

常 拆撰

張炅山東沂水縣人拔貢順治十六年任時城邑未復仍寄治於縣西之于家店布衣帛冠自奉泊如早夜間每以被水之民流離四方爲憂多方招徠令其歸耕廬舍漸興茅葦漸墾而公以內艱去矣公寬厚有威明察能斷待人皆得大體而吏無敢爲民蠹者臨事剖決若神凡案間鮮留牒焉民方依之復業賴以生遂惜在官一年卽去未展所長至今人猶思之如

慈母云

李承紱撰

屠粹忠浙江鄞縣人進士順治十八年任封自黃流衝沒地變沙嶺城社傾圮蒿萊瓦礫之景慘目傷心公下車日進二三父老商確疾苦遴士著招流亡多方挑除淤沙修葺城垣爲我民棲止計察民間苦無耕具者借給牛種勸諭開墾二三年間民始有家公天性仁恕聽斷明敏片言判曲直而民自不冤尤雅好作人念學宮爲育材之地重建文昌閣奎星樓以振興文教每朔望同學博會文課士訓解諄諄不倦且供饌資賞從厚而一時文風蒸蒸蔚起後行取禮科給事中百姓扳轅臥轍願公再留今立有生位頌德愛不衰云

彭昌齡撰

岳峯秀山東汶上縣人進士康熙八年任汶上去封邱最近土俗民情知之

封邱縣志

五

開封新像印刷所承印

極悉且聰察過人發奸摘伏捷若神明人敬憚之鮮敢爲非者民有爭訟務爲和平寬解俾歸於好嘗巡行田野間躬督農桑因其勤惰爲勸懲政暇課士較其藝而甲乙之鼓舞之餘人文爲之一變數延接士大夫詢其利弊自奉儉素布被脫粟怡如也邑南大工往來大道諸上臺及過使者前後相望供億之費民甚苦之公斟酌付給吏無得指一索百借端剝民者時協濟桃源柳梢桃源去封邱千餘里轉輸爲艱公官爲運送不以累民間公善政未易更僕數大要皆平易近民撫軍佟疏薦行取給事中

去之日父老子弟號泣遮留者壅道路久而愈思乃于西郊建生祠焉

李承紱撰

王賜魁遼東杏山人官生康熙十三年任公天性仁厚待物以寬蒞任後常

以興利除弊爲心封邑西南隅舊有濱河地八十餘頃頻年浚沒累歲坍塌沿河居民賠苦不可勝言公力請豁除 撫軍佟公委北河廳姜公同行踏勘果係頂衝湍激澤國汪洋據實詳結蒙 撫軍題請 部覆

俞允至今人無苦累者是公之下有利於民也封經河患後地成荒榛賦額日減公下車來加意撫循數年內勸墾地七百餘頃增賦三千有餘是公之上有利於國也兼以修理黌宮殿宇于焉煥采課養賢士科第因以聯翩建封父亭夏世侯功弈然烝嘗之不改創翟母祠漢代義嫗恍若羹飯之猶新崇祀賢哲使君廟之靈應頻降甘霖封表貞烈青陵臺之幽魂不埋荒草且煮粥之賑饑也自冬徂春生民幸免於流離捐金之施棺也由近及遠朽骨不至於暴露種種善政未易枚舉庚申冬公遷莒州刺史封

封邱縣志

六

開封新豫印刷所承印

之紳矜耆老遂履冰越河議保留又請新舊交代實欲緩一日之行者沐一日之愛也未幾 太母仙逝四野哀慟弔奠充盈隣邑聞之亦爲之太息焉公去任後邑人建祠立碑思慕不置云 李承紱撰

僚屬

縣丞

口口口山西高平縣人歲貢順治十二年任後陞天長知縣

錢交叟湖廣黃岡縣人歲貢順治十七年任

朱之華浙江餘姚縣人官生康熙七年任捐陞蒲台知縣

魯起浙江會稽縣人監生康熙十七年任

主簿

曹秉銓陝西商南縣人監生順治十八年任

徐玉衡江南江都縣人吏員康熙七年任

王德興山西清源縣人例監康熙十六年任

孫自任江南石埭縣人吏員康熙十六年任

張穎山東萊陽縣人監生康熙十七年任

典史

陳際泰浙江山陰縣人吏員順治十七年任

陳永固陝西平涼縣人吏員康熙十四年任

師儒

教諭

封邱縣志

七

開封新豫印刷所承印

孟帝知懷慶府河內縣人舉人順治十八年任

李會生歸德府夏邑縣人歲貢康熙十六年任

訓導

王堪歸德府寧陵縣人恩貢康熙四年任

曹履泰歸德府寧陵縣人歲貢康熙五年任德行醇篤品格高雅誠懇溫恭

學問淵博不媿師表

石如璧撰

鄔元龍南陽府鎮平縣人歲貢康熙六年任

宋作賓汝寧府息縣人歲貢康熙十三年任

人物

國朝賢哲

曹秉銓陝西商南縣人監生順治十八年任

徐玉衡江南江都縣人吏員康熙七年任

王德興山西清源縣人例監康熙十六年任

孫自任江南石埭縣人吏員康熙十六年任

張穎山東萊陽縣人監生康熙十七年任

典史

陳際泰浙江山陰縣人吏員順治十七年任

陳永固陝西平涼縣人吏員康熙十四年任

師儒

教諭

孟帝知懷慶府河內縣人舉人順治十八年任

李會生歸德府夏邑縣人歲貢康熙十六年任

訓導

王堪歸德府寧陵縣人恩貢康熙四年任

曹履泰歸德府寧陵縣人歲貢康熙五年任德行醇篤品格高雅誠愨溫恭

學問淵博不媿師表

石如璧撰

鄔元龍南陽府鎮平縣人歲貢康熙六年任

宋作賓汝寧府息縣人歲貢康熙十三年任

人物

國朝賢哲